



Álttá Sámi  
Giellaguovddáš





# Vuoddagat gávdnon Bávnjnjas, Álttá suohkanis

Njuikkohuvvon dievdduvuoddagat, maid Berit Marie Iversen, r. 1907, lea njuikkohan.  
Informántta Marit Gundersen.

## Livvi

 Sáhppes ruoksat

## Vuoddoláiggit

	Sáhppes ruoksat	12 láiggi	Vuotta lea guvvgodan áiggi mielde, ja dan dihte fertiimet várrogasat čoavdit čuolmmaid, vai sáhttit oaidnit daid ivnniid mat ledje álgo álggus.
	Sevdnjes ruoná (olivenruoná)	8 láiggi	
	Čuvges fiskat (čuvges okerfiskat)	10 láiggi	
	Čuvges ruoná (eappelruoná)	6 láiggi	

## Suohppaga coggat njuikumii



Álgge coggat njuikuma guovddázis (G). Bajit ráiddu coggat njuikuma bátneráiggiide, ja vuolit ráiddu ges sálvviide.

## Čilgehus

Vuoddagat leat 140 cm guhku ja 3 cm govddu. Vuoddaga geažis dahje čotta lea 15 cm guhku bárgiduvvon báddi, mas lea čuolbma geažis. Čoddagiin darveha vuoddaga čázehii, go coggá čuolmma čázeha gavllaid čađa. Bárggeš, mii lea nuppe geahčen vuoddaga, lea bárgiduvvon seamma ivnniiguin, muhto das eai leat nu ollu láiggit go vuoddagis. Bárggeš lea 80 cm guhku, ja lea gorrojuvvon mašiinnain vuoddagii gitta.



Biret lei biertavárrilaš, muhto fárrii Bávdnjii 20 jahkasažžan. Vuoddagat leat njuikkohuvvon su isidii Augustinai. Sudno nieida, Anna muittaša ahte su áhčči giesai vuoddagiid sihke čázehiidda ja nuvttohiidda. Son anii maid čázehiid dálvet, muhto de ledje sus hui valjit gámasuoinnit dállastuvvon sisa.

Vuoddagat leat njuikkohuvvon ruovttu bodnon ulloláiggiin. Biret bonii láiggi ieš, muhto son ii láven gal báidnit. Danne Anna veahá eahpida ahte láigi, mii lea vuoddagiin, jus daid lea su eadni botnán.